

Rime
(Nerino Rismondo)

Rimeide
(Rime e Sonetti zaratini)

Ancona 2000

I

IL PERCHE' DI QUESTE RIME

Rime: scritte così per ...sovrano me;
alcune... discrete, altre fora posto;
no zerto per arte o per vocazione,
ma per un vizio intimo e nascosto.

Scritte per speciale ... "indisposizione"
lore le sbruffa fora ad ogni costo,
perché de canto e pianto go bisogno
anche se poi un poco me vergogno.

Per mi xe benedetti el canto, el pianto
de cui strapiena xe l'anima mia.
El canto mio se ciama rimpianto,
el pianto mio se ciama nostalgia

per quella Zara che xe stà un incanto
per quella vita che xe stà poesia.
E così canto per ... disperazion
E così pianzo per ... consolazion.

VI

LA RIVA NOVA

Dove mai più troverò un'altra riva
bella così come la Riva Nova
così piena de sol, così giuliva
come un sogno d'amor che se rinnova ?

Quelle sere d'incanto all'aria estiva,
quella luna, quel mar: chi più la trova
la procession de mule sì festiva
formose in "pupa" e più formose in "prora" ?

Anche d'inverno poi così ridente
dal bel caldo del sol acarezzade
le coppie le tubava beatamente

pregustando le sere inamorate
in scuro el lungo e dolce baso ardente
e soto San Demetrio le strucade

VII

LA MULARIA

Perfin go voia de la mularia
del Borgo e de la crema del Pozeto
che non te dava pace per la via
infiorada de gemme del dialetto:

"quella cavra del padre in beccaria"
la ... "namo" de la madre in sottaceto
striga la sorella e anca la zia,
biscaro el nonno; tutto in stil perfetto.

Quei muli sporchi, svegli, sani e forti
che con la insolenza più sfacciata
te cresimava e benediva i morti

bombardando la sorella in picchiata.
Più le ultime notizie non riporti
oh mulo Scafa, bocca immacolata.

XIII

RIME

Rime per istinto e per ... sovrano me
lore le vol venir fora ad ogni costo
che mi son solo un sentimentalone
ma el vizio go tenù sempre nascosto.

Se stavolta invece entro in un concorso
non xe per presunzion o per un sogno
... de gloria; anzi sento quasi un rimorso
d'aver peccà; ma xe che go bisogno

de tentar un qualsiasi lavoro:
la scienza non me vol, me manda via,
disoccupà, in famiglia non xe un boro
vedemo se me vol la poesia.

XIV

ZARA

Zara iera bella ? Tutti d'accordo:
bella d'una selvadiga poesia.
per noi non xe rimasto chè el ricordo
e i oci per pianzer de nostalgia.

Bella xe pur l'Italia ? anca d'accordo:
tutta piena d'incanto e d'armonia.
Ma a ste bellezze el nostro cor xe sordo:
Roma ? Venezia ? cos ti vol che sia.

Per noi per cui perfin xe preferibile
la calle del Jadre; no xe parole
per dir quello che non saria credibile.

No me parlar de Napoli e del sole:
Zara iera bellezza inconcepibile,
da noi fioriva anca le pissariole.

XLI

BORGO ERIZZO

Entro l'anno le volte iera rare
che i "siori" cittadini de zittà
fazendo un giro per le Collovare
magari i se spinzeva fina là.

Così la ciesa iera el focolare
de quella tutta speciale pietà
della fede, della virtù ... esemplare
de Borgorizzo propria proprietà.

Ma nel giorno dedicado ai miracoli
del "ciudo velico" al 10 de maggio
pur de non perder tanti bei spettacoli,

i cittadini ciapava el coraggio
e senza gaver per la testa i bacoli
i baccanava nel borgo ... selvaggio.

XLII

BELLAFUSA

Ghe se voleva ben a Bellafusa
l'ideale frazion de periferia
con la ciesa de campagna ove se usa
dir el Padrenostro anca in osteria.

Intorno alla ciesa iera diffusa
un'aria de preghiera e d'allegria
che accomunava quasi alla ... rinfusa
la Madonna alla allegra compagnia.

Ma che festa del "prendi, bevi e magna"
alla Madonna Granda, quando un posto
non se trovava libero in campagna.

Quel pio pellegrinaggio al ... porco rosto
con tutto el resto iera una cuccagna
che ne santificava el ferragosto.

LXXXI

BOCCAGNAZZO

Boccagnazzo iera un poco in salita,
la strada lunga e sempre polverosa;
eppur iera la meta d'ogni gita
che esser voleva lieta e rumorosa.

Una raccolta mal distribuita
de case in una posizion ventosa,
la catena del Velebit scarnita,
campagna intorno brulla e petrosa.

Questo Boccagnazzo; ma un'osteria
ti la trovavi sempre innanzitutto
per concluder la gita in allegria.

Con quel che interessava soprattutto:
agnello, vin, formaggio e una partia
a bocce, a carte, a sleppe de persutto.

LXXXII

OBBROVAZZO

A Obbrovazzo son stà una volta sola
E son stà come un mona... tale e quale;
così piccolo in mezzo a quella gola
spaventosa e bella oltre al naturale.

E oltra al natural non ghe xe parola
che possa far capir l'originale:
bisogna veder la Dalmazia, la sola
zona terrestre che non ga l'eguale.

Iero sconvolto da quelle emozioni
che l'uman col divin confonde e investe
co la natura non ga proporzioni.

Così son tornà conzà per le feste
senza capir se tra i manzi e i cavrani
sentivo spuzza o profumo celeste.

LXXXIII

ESILIO

Dixi quel che ti vol ti, ma mi sento
che mi la vita la go veramente
vissudo solo fina a quel momento
che son stà a Zara tra la mia gente.

Ogni piccola cosa, ogni evento
viveva in mi con forza sorprendente;
sentivo de crear gioia e tormento,
e iera bello, bello immensamente.

Qua, ogni piccola cosa me trascina
nell'inerte apatia dove vani
xe i sforzi d'evitar una rovina.

Son l'esule incompreso fra italiani
e son un morto in pie che cammina
nell'inutile attesa del domani.

INDICE

INDICE

		Pag.
I	Il perché di queste rime	1
II	Un caro amico	2
III	Amor di zara	3
IV	Amor professionale	4
V	San Simon	5
VI	Riva Nova	6
VII	La mularia	7
VIII	Calle Larga	8
IX	Voia de bagni	9
X	Un giro de sera	10
XI	La trilogia della panza	12
XII	Un giro de giorno	15
XIII	Rime	18
XIV	Zara	19
XV	Nadal	20
XVI	L'ultimo dell'anno	21
XVII	L'ultimo de carneval	22
XVIII	La Ginnastica	23
XIX	La Diadora	24
XX	La A.C.Dalmazia	25
XXI	El giorno dei morti	26
XXII	Pasqua	27
XXIII	Senza più il nostro cimitero	28
XXIV	Collovere	29
XXV	El Domo	30

Pag.

XXVI	Madonna del Castello	31
XXVII	El Borgo	32
XXVIII	Val de Ghisi	33
XXIX	La mia nazionalità	34
XXX	Zara d'Italia	35
XXXI	La mia Zara	36
XXXII	Santa Luzia	37
XXXIII	La parola più diffusa	38
XXXIV	Zara bombardata	39
XXXV	Saluto adriatico	40
XXXVI	San Francesco	41
XXXVII	San Grisogono	42
XXXVIII	San Micel	43
XXXIX	Santa Maria	44
XL	San Demetrio	45
XLI	Borgo Erizzo	46
XLII	Bellafusa	47
XLIII	San Giovanin	48
XLIV	Le mie piccole ciese	49
XLV	El primo dell'anno	50
XLVI	I Tre Re	51
XLVII	La festa dello Statuto	52
XLVIII	La festa del mare	53
XLIX	Decennale del matrimonio	54
L	La vera canzon del profugo	55
LI	Xe nata la Rimetta	58
LII	Poesia incompresa e trascurada	59
LIII	La Tetella	60
LIV	La fiera de San Simon	61

	Pag.
LV	Ferragosto : vacanze inutili 62
LVI	El cielo de Zara – Esilio 63
LVII	Campo Castello 64
LVIII	Campo San Simon 65
LIX	La Piazza del Domo 66
LX	Piazza dei Signori 67
LXI	Piazzetta marina 68
LXII	Piazzetta San Rocco 69
LXIII	La Piazza delle Erbe 70
LXIV	Le Collovare (2) 71
LXV	El Parco 72
LXVI	El Giardin Pubblico 73
LXVII	El Giardin Wagner 74
LXVIII	In giro per callette 75
LXIX	... e busi 76
LXX	La Riva Vecia 77
LXXI	Barcagno 78
LXXII	Ceraria 79
LXXIII	Puntamica 80
LXXIV	La Ginnastica (2) 81
LXXV	La Diadora (2) 82
LXXVI	El Veloce Club 83
LXXVII	El Bagno Spiaggia 84
LXXVIII	El Bagno Maria 85
LXXIX	El Vallon de Diclo 86
LXXX	Sant' Elena 87
LXXXI	Boccagnazzo 88
LXXXII	Obbrovazzo 89
LXXXIII	Esilio 90